

MEP ta mustra

Gobierno di Mike Eman a laga un desaster financiero atras di 172 miyon Florin na 2001

Tanto Banco Central como Comision Financiero a comproba e cifra aki!

ORANJESTAD (AAN): Pakico partido MEP constantemente ta acusa e lider di AVP sr. Mike Eman di ta e autor principal di e desaster financiero cu el a hinca pais Aruba aden? Pakico ta acuse constantemente di ta complice di ladronia, patronahe, corrupcion, fraude den gobernacion di su partido AVP? Pakico semper ta punta dede riba dje y acuse cu e tambe a tapa bagamunderia, inmoralidad y impunidad durante 7 aña di su gobierno cu ta bay den historia como e gobierno di mas corrupto cu un pais den e hemisferio aki a yega di conoce?

E motibo ta simpel: Mike Eman tabata e Consehero Principal di e 7 ministranan cu durante 7 aña largo a abusa na nan antoho cu placa di nos pover pagadornan di belasting, a ruina e pais aki y a lag'e completamente na werki.

Como prueba di e bandideznan den gobernacion di AVP, partido MEP ta presenta parti di un declaracion di Presidente di Banco Central, esta Hans du Marchie Sarvaas den un carta manda dia 24 di maart 2000 pa gobierno di Aruba:

"No solamente financieramente e sector publico di Aruba ta e problema. Tambe

moralmente. Den mi opinion un fragmentacion di politica partidista di sociedad a pesta gobierno cu ineficiencia, amaturismo, patronahe, vriendjespolitiek y tambe cu intimidacion y corrupcion".

Despues di a tolera y tuma parti na tur e fechoria y bagamunderianan aki den gobernacion, awe Mike Eman manera un Hudas ta presenta su mes como e Bon Samaritano cu ta sali na defensa di e homber chikito den pueblo.

Te ainda Mike Eman ta terco y no kier comprende den ki estado su persona y partido AVP a laga pais Aruba aden apenas 2 aña pasa. No ta pornada cu constantemente MEP ta usa e dicho popular na e dirigentenan di AVP, esta "cu bo por hiba un burico te na pos di awa pero bo no por forse bebe".

MIKE CU SU SURPLUS

MENTIROSO: MEP no ta cansa y ta bolbe cita parti di un carta di dia 17 di augustus 2001 cu Presidente di Banco Central dr. Caram a manda pa Ministro di Finanzas y Debe Tico Croes:

"E crecimiento excesivo di e gastonan a conduci cu tin un tendencia, na unda e resultado realisa di e transaccion di gobierno ta aleha su mes cada biaha mas di e meta di un presupuesto balansa".

"E cifranan preliminar di e prome mitar aña di 2001 ta indica cu ya caba pa e periodo menciona tin un deficit financiero di mas o menos 86 miyon Florin".

Extrapolando e cifra aki e deficit financiero di 2001 lo bira 2 bes 86 miyon, esta 172 miyon Florin! E cifra aki ta cuadra mas o menos cu locual e Comision Financiero cu Gabinete

Oduber III a institui na oktober 2001 a bisa riba pagina 9 di nan rapport, esta cu e deficit financiero na 2001 ta 167.8 miyon Florin (y no un surplus di 1.5 miyon Florin cu e mentirosonan di Mike y AVP kier a bende cu pueblo!).

Esaki ta e estado financiero cu Mike Eman y su partido AVP a laga pais Aruba aden na final di nan gobernacion. Fuera di e buraco financiero grandi aki e malechornan di Gabinete Eman III encabesa pa e Consehero Principal Mike Eman a laga debenan di garantianan na Italian International Bank y Sace di 206 miyon dollar, debe na e proyecto corrupto di Race Track di 20 miyon dollar, debe na CMB di 5 miyon Florin, debe na Enrique Fuentes di 72 miyon Florin, debe na Trias Resort di 27 miyon Florin, debenan na

bono di 160 miyon, debe na creditornan di 97.8 miyon, debe na Pensioenfonds di 169.3 miyon, debe na AZV di 18.2 miyon, debe na Aruba Bank (Bushiri) di 11.9 miyon, debe na SVB di 101.2 miyon, debe na AIB (Air Aruba) di 3.5 miyon, fianzanan priva di 60.1 miyon, fianza Setar 15 miyon y un cantidad insurmontabel di debe mas. Gabinete Eman tabata un gabinete sinonimo na debe, fianza, garantia y bagamunderia!

Durante 7 aña largo Mike Eman tabata sordo y mudo pa tur locual su gobierno a haci y awe su persona ta cana rond y ta pronkia cu solucion pa tur e problemanan cu pais Aruba ta pasando aden. Un hende por ta hipocrita, terco, mentiroso y di mala fe, pero dje estado ey si ta un poco di mas!


Despues di a laga e pais financieramente na werki, ta ki pretencion e hendenan aki tin ainda pa pidi confianza di pueblo pa haya un oportunidad pa goberna (malogra) e pais aki un biaha mas?

TELEFONNAN DI DIARIO
582-6747- FAX 582-8551

SI NO TA YERBE TA BACA BERDE!!

BOOSHI, CONTA P'AMI
CUANTO BALA DI KERST-
BOOM NA CAS DI PARTIDO
DI AUP MI A KIBRA CABA?!

NEL, 18 BALA
BERDE CABA!
BAI PA E STREA
DI SPERANSA
AWO!!



E CD PA COMPUTER CU WEGANAN POLITICO ARUBANO TA OBTENIBLE NA CAMACURI SNACK PARIBA DI VELD DI CLUB CARIBE Y TAMBE NA TUR CHECKPOINTCOLOR. PA INFO Y DELIVERY YAMA TEL: 5828006 WWW.WEGAWEGA.COM

BEST DEAL

Tel: 5827050

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

Luz

AFL. 6,95